

MAIKEMIŠETŠO A KANTORO

Kantoro ya Ditsebagatšo e hlomilwe go ya ka Karolwana ya 4 ya Molao wa 2000 wa Tsebagatšo ya Kadimo ya Tšhelete ya Ntlo le Sekoloto, (Molao wa No.63 wa 2000) ka maikemišetšo a go bea leihlo mekgwa le ditlwaedi tša kadimišo dipanka/ditheo tša ditšhelete tša kadimišo ge di fana ka kadimo go bareki. Molao o gapeletša dipanka go tsebagatša tshedimošo go ya ka mešomo ya tšona ya kadimo ka go mmaraka wa kadimišo ya ditšhelete tša dintlo.

NEPO YA RENA KE ENG

Go phethagatša Molao le go godiša tekatekano go kadimišo ya ditšhelete tša dintlo.

MAIKEMIŠETŠO A RENA KE ENG

Go tšea karolo go phihlelelo ya ditlwaedi tše kaone tšeo di kaonafatšago phihlelelo ya kadimo ya ditšhelete tša dintlo ka nageng.


NA MOLAO O MABAPI LE ENG

Go godiša ditlwaedi tše botse tša kadimo, tšeo di nyakago gore ditheo tša ditšhelete di tsebagatše tshedimošo mabapi le kabo ya dikadimišo tša ditšhelete tša dintlo; go hloma Kantoro ya Ditsebagatšo; le go fana ka ditaba tšeo di sepelelanago.



SEBOPEGO

Kantoro e beakantšwe ka tsela ye e latelago:



Bongwaledi ke karolo yeo e lego ka go Kgoro ya Mengwako yeo e thekgago Kantoro ya Ditsebagatšo.

DINTLHA TŠA KGOKAGANYO: KANTORO YA DITSEBAGATŠO

KANTORO YA DITSEBAGATŠO KGORO YA MENGWAKO
PRIVATE BAG X644
PRETORIA
0001

GOVAN MBEKI BUILDING
240 JUSTICE MAHOMED STREET
SUNNYSIDE
PRETORIA
0002

MOGALA: 012 421 1572/1799
FEKESE: 086 614 7662/086 611 0018
MOGALA WA GO SE LEFELWE: 0800 146 873
Emeile: disclosure@dhs.gov.za

KGORO YA MENGWAKO

PROFAELE

YA KANTORO YA DITSEBAGATŠO

MORERO WA KANTORO YA DITSEBAGATŠO

- Go netefatša gore Molao wa 2000 wa Tsebagatšo ya Kadimišo ya Tšhelete ya Ntlo le Sekoloto, (Molao wa No.63 wa 2000) le kabo ya karolwana ya 4 ya Lenaneo la Phethagatšo ya Tekatekano le Thibelo ya Molao wa 2000 wa Kgethologanyo yeo e sa Lokago, (Molao wa No. 4 wa 2000);
- Go kaonafatša dikgahlego tša bareki/badiriši mabapi le nepagalo, tšwetšopele le boleng bja ditirelo;
- Go kaonafatša phihlelelo ya kadimo ya tšhelete ya ntlo yeo e lekalekanago yeo e nepagetšego ka go ditheo ka moka tša ditšhelete;
- Go fediša mekgwa wa kgethologanyo efe goba efe le ditlwae-di tša dipanka mabapi le dikadimišo tša ditšhelete tša dintlo;
- Go sepetša dingongorego go tšwa go bareki mabapi le dikgopelo tša kadimo ya ditšhelete; le
- Go hlatha kgonagalo ya mekgwa ya kgethologanyo ya kadimo le tsamaišo ya dipanka.



NA MEŠOMO YA KANTORO KE EFE

(1) *Kantoro yeo e rwelego maikarabelo a:*

- (a) Go amogela tshedimošo yeo e nyakegago;
- (b) Go sekaseka le go hlatholla tshedimošo yeo e nyakegago;
- (c) Go amogela le go nyakisiša boipelaetšo bja setšhaba mabapi le ditheo tša ditšhelete ka ga dikadimišo tša ditšhelete tša dintlo go ya ka tsamaišo yeo;
- (d) Go dira gore badudi ba fihlelele tshedimošo yeo e laetšago ge eba ditheo tša ditšhelete di phethagatša dinyakwa tša badudi tša kadimišo ya ditšhelete tša dintlo;
- (e) Go lekola mošomo go ya ka maemo ao a laetšwego a ditheo tše tša ditšhelete go ya ka tshedimošo ye bjalo;
- (f) Go thuša go hlatha kgonagalo ya mekgwa ya kgethologanyo ya kadimišo le go thuša lekala lefe goba lefe la taolo ya semolao go tšheletša phethagatšo ya molao wo o se nago kgethologanyo;
- (g) Go begela Tona ngwaga ka ngwaga mabapi le mošomo wo o dirilwego mo ngwageng wo o fetilego, gomme pego ye bjalo e swanetše go akaretša tshakatsheko ya mošomo wa setheo sefe goba sefe sa ditšhelete mabapi le go latela mabaka a Molao;
- (h) Go dira ditšhišinyo go Tona mabapi le ditaba tše dingwe le tše dingwe tše di welago ka tlase ga Molao wo.

(2) *Kantoro*

- (a) E swanetše go netefatša gore dipanka di latela Molao gotee le karolwana ya 4 ya Lenaneo la Phethagatšo ya Tekatekano le Thibelo ya Molao wa 2000 wa Kgethologanyo yeo e sa Lokago, (Molao wa No. 4 wa 2000);
- (b) E swanetše go eletša Tona ka ga sebopego, diteng le nako ya tsebagatšo ya dipanka go ya ka dinyakwa tša Molao wo;
- (c) E ka no kgopela dipanka go kgonthišiša tshedimošo yeo e tsebagaditšwego go ya ka Molao wo mo go ka bago go na le kgonono, e ka ba e le gore tshedimošo yeo e tsebagaditšwego e nepagetše ka bottlalo goba feletše; le
- (d) E ka no nyakisiša le go tšweletša ditshepedišo go kgonthišiša nepagalo ya tshedimošo yeo e tsebagaditšwego ke pankka go ya ka dinyakwa tša Molao wo, gomme mabapi le morero wo, setheo seo sa ditšhelete se swanetše go fa Kantoro thušo ka moka yeo e hlokegago le phihlelelo ya meago le tshedimošo go kgontšha Kantoro gore e sekaseke le go hlatholla tshedimošo ye bjalo.

TAOLO YA KANTORO YA TSEBAGATŠO

Go ya ka Molao wa 2000 wa Tsebagatšo ya Kadimo ya Tšhelete ya Ntlo le Sekoloto, Kantoro ya Tsebagatšo e ka no lebelela boipelaetšo bjo bo sepelelanago le:

- Mekgwa ya Kgethologanyo ya kadimo ya tšhelete ya ntlo le dipanka, le
- Ditaba ka moka tše di welago ka tlase ga karolo ye ya Molao.

DITABA TŠEO DI SEGO KA TLASE GA TAOLO YA KANTORO

Kantoro ga e na taolo godimo ga ditaba tše di amanago le tše di latelago:

- Go laola dinyakwa tša kadimišo ya ditšhelete tša dintlo;
- Go laola kabo ya dikadimišo tša ditšhelete tša dintlo;
- Go laola go tlatša le go amogela diforomo tša kgopelo ya kadimišo ya tšhelete ya ntlo;
- Go laola maemo a tswalo;
- Go laola nako yeo e beilwego ya go lefa;
- Go laola dikoloto/mekitlana ya kadimišo ya tšhelete ya dintlo;
- Go laola maswanedi a go fiwa sekoloto;
- Go laola maemo a motho a ditšhelete; le
- Go laola ditshenyagalelo ka moka tše di sepelelanago le kadimišo ya tšhelete ya ntlo

KANTORO YA MOLAO THEO

Kantoro e bopša ke maloko a senyane (9) ao a kgethilwego ke Tona go ya ka boleng bja bokgoni le maitemogelo a bona go ditaba tše di sepelelanago le go pankka, tšhelete ya ntlo le dipeeletšo, ditokelo tša ekonomi ya setšhaba le tša badudi.